

# ՂԱՐԱԲԱՂՅԱՆ ՊՐՈԲԼԵՄԻ ԼՈՒԾՄԱՆ ՈՒՂԻՆ

Այսօր չկա մի հայ, որ չը-  
հուզվի ղարաբաղյան պրոբլե-  
մով, չպահանջի վերամիավո-  
րել հայ ժողովրդի երկու հատ-  
վածները: Բայց արդեն շրջա-  
փակման մեջ ենք, տնտեսական  
ծանր իրավիճակում: Ադրբեջա-  
նական հանրապետության ղե-  
կավարության ցուցումով կազ-  
մավորվում են բազմաթիվ հը-  
րուսակախմբեր, որոնք կրկնակի  
շրջափակման մեջ են պահում  
ԼՂԻՄ-ի հայկական գյուղերն  
ու բնակավայրերը: Բիչ չեն  
հայերի նկատմամբ բռնություն-  
ները: Անմեղ մարդկանց ծեծե-  
լը, սպանելը, ավտոմեքենանե-  
րը ջարդելն ու գնացքների ա-  
նիվները ռելսերին գողելը, վա-  
գոնները թալանելը, միլիցիա-  
յի աշխատողների վրա հարձա-  
կումները, նույնիսկ եթերը նը-  
վաճելն ու հեռուստահաղոր-  
դումները կանխելը: Ավազա-  
կային, ստոր գործողություն-  
ներն այսօր յուրահատուկ են  
դարձել ադրբեջանական վայ-  
րենի ամբոխի համար:

Ո՛ւմ համար պարզ չէ, որ,  
դիմելով նախնիների մեթոդ-  
ներին, ադրբեջանական խու-  
ժանը փորձում է շեղել երկրի  
կենտրոնական մարմինների,  
ղեկավարների ուշադրությունը,  
ստիպել նրանց մերժելու ղա-  
րաբաղյան պրոբլեմի լուծ-  
ման հայ ժողովրդի ար-  
դարացի պահանջը: Յավոք,  
նրանց շատ բան է հաջող-  
վում և հաջողվում է վե-  
րադաս մարմինների անվճա-  
կանության, անհետևողակա-  
նության, ազգերի ինքնորոշ-  
ման լենինյան սկզբունքների  
սխալ մեկնաբանության պատ-  
ճառով: Ընդհակառակը, կանգ-

նելով ադրբեջանցիներին  
պաշտպանելու դիրքերում,  
կուսացական ու պետական  
կենտրոնական մարմիններն  
անտեսում են այդ սկզբուն-  
քը, մոռացության տալով Վ.  
Ի. Լենինի այն պահանջը,  
ըստ որի ինքնորոշման հարցը  
լուծում է ոչ թե կենտրոնը,  
այլ անջատվող ազգի սեյմը,  
պառլամենտը՝ ռեֆերենդումի  
միջոցով:

Ազգերի ինքնորոշման իրա-  
վունքը դուրս է եկել մեկ երկ-  
րի պահանջներից և դարձել  
միջազգային նորմա: Եվրո-  
պայի անվտանգության և հա-  
մագործակցության խորհրդակ-  
ցության եզրափակիչ ակտում  
հստակ կերպով նշված է, որ  
բոլոր ժողովուրդներն էլ ի-  
րավունք ունեն լիակատար ա-  
զատության պայմաններում ո-  
րոշել իրենց ներքին ու ար-  
տաքին քաղաքական ստատու-  
սը, քաղաքական, տնտեսա-  
կան, սոցիալական, մշակու-  
թային զարգացման ուղղու-  
թյունը: Այդ փաստաթղթում  
մեծ տեղ է հատկացվում «ժո-  
ղովուրդների ինքնորոշման  
պրոբլեմին: Մենք համոզված  
ենք, որ ղարաբաղյան հան-  
գույցը վաղուց քանդված կլի-  
ներ, եթե խորհրդային պետու-  
թյան ղեկավարությունը նրան  
մոտենար այնպիսի հետևողա-  
կանությամբ ու սկզբունքնե-  
րով, ինչպես վարվում է Ա-  
սիայի, Աֆրիկայի, Լատինա-  
կան Ամերիկայի ցանկացած  
ժողովրդի պահանջներին, երբ  
նրանք ձգտում են ինքնորոշ-  
ման: ԽՄԿԿ կենտկոմի սեպ-  
տեմբերյան պլենումն ավարտ-  
վեց, բայց այն ոչինչ չտվեց

բազմաշարժար հայ ժողո-  
վորդին, որն այնքան հույսեր  
էր կապել նրա հետ: Իսկ ՀԿԿ  
կենտկոմի առաջին քարտու-  
ղար Ս. Հարությունյանի ար-  
դար պահանջները կորան  
երկրի՝ գործից անտեղյակ շատ  
ղեկավարների մողայիկ ճա-  
ռերի ինքնանպատակ աղմու-  
կի մեջ: Մինչդեռ ինքնորոշման  
միջազգային փաստաթղթերում  
այն պահանջը կա, որ պետք է  
կենտրոնական մարմինները  
հարգանք ցուցաբերեն ինք-  
նորոշվող ժողովրդի պահանջ-  
ների նկատմամբ:

1981 թ. դեկտեմբերի 9-ի  
ՄԱԿ-ի դեկլարացիայում ար-  
ձանագրված է, որ պետություն-  
ներն իրավունք չունեն ժողո-  
վուրդների ինքնորոշմանը հա-  
կադրել նրա ներքին գործերին  
միջամտելը: Մինչդեռ Ադրբե-  
ջանը շրջափակել է Հա-  
յաստանն ու Արցախը, դիմել է  
չհայտարարված պատերազ-  
մական գործողությունների, և  
կենտրոնական իշխանություն-  
ները լռելյայն համաձայնել են  
ու ոչինչ չեն անում, անգամ  
չեն պաշտպանում ամբողջ երկ-  
րին պատկանող երկաթուղին:  
Բայց ճշմարտությունը չի  
մեռնի: Ով կարդա իրավաբա-  
նական գիտությունների դոկ-  
տոր, պրոֆեսոր Յուրի Բար-  
սեղովի «Ինքնորոշման իրա-  
վունքը միջազգային պրոբ-  
լեմների դեմոկրատական լուծ-  
ման հիմքն է: Լեռնային Ղա-  
րաբաղի պրոբլեմի առթիվ»  
աշխատությունը, ծանոթանա  
հեղինակի հիմնավոր փառ-  
տարկներին, նա կհամոզվի,  
որ գտնվել է ղարաբաղյան  
պրոբլեմի լուծման նոր ուղի:

Գրքում հանգամանորեն  
ներկայացված են երկրի սահ-  
մանադրական ճգնաժամը,  
պետության տերիտորիալ ան-  
ձեռնմխելիության սկզբունքի  
ու ինքնորոշման հակասու-  
թյունը, անջատման տնտեսա-  
կան անհնարինության կեղծ  
սկզբունքի բովանդակությու-  
նը: Յու. Բարսեղովը հիմնա-  
վորում է այն ճշմարտությու-  
նը, որ Անդրկովկասում խա-  
ղաղ գոյակցության միակ  
սկզբունքը Արցախի ժողովրդի  
ազատ ինքնորոշումն է:

Հեղինակն արդարացիորեն  
պնդում է, որ ադրբեջանա-  
կան իշխանությունները Ղարա-  
բաղի նկատմամբ կիրառել են  
այն հայերից մաքրման քա-  
ղաքակցություն, որի հետե-  
վանքով այժմ հայազգի բնակ-  
չությունը, բնական աճի 731  
հազար 959 մարդու փոխարեն,  
չի անցնում 123 հազարից,  
իսկ ադրբեջանցիները, ընդ-  
հակառակը, ավելացել են,  
հասնելով 32 հազար 548-ի:  
Նկատի ունենալով ԱՄՆ-ի,  
Հնդկաստանի, Նիգերիայի և  
այլ երկրների փորձը, Լեռնա-  
յին Ղարաբաղի ինքնավար  
Մարզի ինքնորոշման և Ազ-  
գային խորհրդի ստեղծման  
փաստը, Յու. Բարսեղովը  
հանգել է այն հետևության,  
որ ԼՂԻՄ-ի պրոբլեմը այժմ  
հնարավոր է լուծել նրան  
միութենական (ֆեդերալ) են-  
թակայության տարածքի ստա-  
տուս տալով և այն ԽՍՀՄ  
Գերագույն խորհրդին՝ ի դեմս  
նրա նախագահության, կամ  
նախագահի, ենթարկելով:  
Մարզի կառավարումը կիրա-  
կանացվի դեմոկրատական

ընտրությամբ ձևավորվող ժո-  
ղովրդական դեպուտատների  
խորհրդի կողմից, իսկ կու-  
սակցական մարմինները կեն-  
թարկվեն ԽՄԿԿ կենտկոմին:  
Ֆեդերալ մարզի կառավար-  
ման բոլոր օղակները (ֆի-  
նանսական, նյութա-տեխնի-  
կական, դատական, դատա-  
խազական և այլն) կիրակա-  
նացվեն կենտրոնական իշ-  
խանությունների կողմից: Ֆե-  
դերալ մարզի ստատուսով  
կանխվում են այն բոլոր ձեռ-  
նարկումները, որոնք իրակա-  
նացվում էին ի վնաս տեղի  
հիմնական ազգաբնակչու-  
թյան: Միութենական մարմին-  
ների կողմից ֆեդերալ մարզի  
ստատուսի դադարեցման  
դեպքում տեղի հիմնական ազ-  
գաբնակչությանն իրավունք է  
տրվում որոշելու, թե միու-  
թենական որ հանրապետու-  
թյան կազմում է ինքը ցանկա-  
նում լինել:

Գիրքը, որ ընթերցողներին  
ներկայացրեց «Հայաստան»  
հրատարակչությունը 30 հա-  
զար օրինակ տպաքանակով,  
ոացիոնալ ու արդարացի շատ  
սկզբունքներ է պարունակում  
և ներկայացնում է ղարաբաղ-  
յան պրոբլեմի լուծման համե-  
մատաբար ընդունելի ուղի: Թե  
որքանով այն կընդունվի  
ԽՍՀՄ Գերագույն խորհրդի  
նստաշրջանում, կախված կլի-  
նի դեպուտատների արդա-  
րամտությունից, խորհրդային  
ժողովրդին ծառայելու նրանց  
պատրաստականությունից, վե-  
րականոցմանը նվիրվածու-  
թյան աստիճանից:

Մանուկ ՄԱՆՈՒԿՅԱՆ  
ՀԽՍՀ հրատպետկոմի  
գլխավոր խմբագիր